



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

**Monacellus, Franciscus
Venetiis, 1706**

Litterarum Commendatitarum Form.VI.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

caro Capituli, etiam intra annum Sedis vacantis, ut probant Barbos. de Offic. & potest. Episc. alleg. 7. num. 23. Ventrigl. prax. par. 1. annot. 23. § 2. n. 13. Passerin. in cap. Cum nullus n. 142. de tempor. Ordin. in 6. Sac. Congr. Concil. in Mexicana Litterarum Dimissorialium 24. Aprilis 1700. quia Dimissorialium concessio est gratia, qua non expirat morte concedentis, nisi per successorem revocetur, Pasqualig. ad Lauret. de Franc. par. 1. num. 275. & seqq. Ventrigl. prax. part. 2. annot. 15. § 1. n. 43. Passerin. in cap. Cum nullus n. 142. de tempor. Ordin. in 6.

3. PER PRÆSENTES. Donat. prax. rer. Regular. tom. 3. part. 1. tract. 3. quest. §. n. 2. dicit, quod non sit de essentia, quod litteræ Dimissoriales concedantur in scriptis, sed quod sufficiat consensus Episcopi dimittentis aliundē probatus. Huic Donati opinioni opposita est altera Pac. Jord. tom. 1. lib. 3. tit. 6. n. 143. qui tenet, quod aliter quam scripto non debeant concedi.

4. Passerin. autem conciliator in cap. Cum nullus de tempor. Ordin. num. 134. dicit, quod si Dimissoriae dentur in præsencia Episcopi Ordinatoris non sit necessa-

ria scriptura, quia constat viva voce Episcopo alieno de dimissione facta v. g. Petro, ut possit ab eo ordinari: secus vero quando dimissio fit ad Episcopum absensem, quia tunc scriptura sit necessaria.

5. Advertat ulterius Episcopus, quod quando conceditur Dimissoria pro Ordinibus Sacris, debent hi necessariō exprimi: nam si concederetur absolute ad omnes Ordines, adhuc non venirent Sacri, Lauret. de Franc. contr. par. 1. num. 272.

Litterarum Comendatitarum pro Sacerdote discessu.

FORMULA VI

S U M M A R I U M .

- 1 Litteræ Commendatitiae non sunt degandæ non habentibus onus residentiae.
- 2 Litteræ Commendatitiae differunt à Dimissorialibus, & num. 3.
- 4 Testimoniales circa mores non concedendæ, nisi mores noti sunt.

N. Episcopus N.

Dilecto &c. Cum ad limina Apostolorum Petri, & Pauli visitanda, & alia tua honesta negotia peragenda Romam adire cupias, & ea propter nostram licentiam requisivisti, grati animi nostri signa indubia ostendere volentes, omnibus ubique, ad quos te pervenire contigerit, per præsentes testamur, & notum facimus, te esse Sacerdotem sæcularem optimis moribus imbutum, Christianisque virtutibus præeditum: Missæ Sacrificium publicè celebrare, & ex Civitate (vel Diœcesi) te abire nulla Ecclesiastica censura, neque alio canonico impedimento, aut poena, quod sciamus, irretitum. Quare omnibus in Christo PP. Illustrissimis, & Reverendissimis Episcopis, Archiepiscopis, Abbatibus, Prioribus, Vicariis, cæterisque Ecclesiarum Ministris, & Officialibus, ad quos declinabis, quantum in Domino possumus te pro commendato damus: Rogantes eos, ut ad Sacra facienda personam tuam recipient, Missamque, & alia Divina Officia celebrare permittant, & in cæteris tueantur. In quorum &c. Datum &c.

N. Episcopus N.

Loco  Sigilli.

N. Cancellarius Episcopalis.

A.D.

ADNOTATIONES.

NO STRAM LICENTIAM REQUISIVISTI. De honestate requiritur licentia, non autem de necessitate: Nam litteræ hujusmodi commendatitiæ pro discessu à Diœcesi iis, qui non habent Officium, Beneficium, aut aliam obligationem personalem, servitum, & residentiam exigentia, numquam sunt denegandæ, Nicol. lucubr. Can. lib. 1. tit. 22. n. 3. quem aliquando ab Advocatis Curiæ citatum vidi ad probandum assumptum, quod Dimissoriæ, pro Ordinibus, absentibus non sint denegandæ, quod Nicolius non dicit, quia illius verba, ibi—non posse ab Episcopo denegari Dimissorias, seu licentiam manendi extra Diœcesim, probant propositionem mox firmatam, non autem diversam, & contortam in assumpto, quia ly Dimissoriæ accipitur pro licentia fœse absentandi, & synonimè pro commendatitiis, ut indicat particula, seu, & benè observat Pac. Jordan. tom. 1. lib. 3. tit. 6. num. 140. in fin. Nisi tamen ageretur de Ordinatis ob necessitatem Ecclesiæ, nam isti locum, inconsulto Episcopo, deserere non possunt, Concil. Trident. sess. 23. cap. 16. de Reform.

PER PRÆSENTES TESTAMUR. Differunt litteræ commendatitiæ à Dimissorialibus, quia hædantur quando proprius Episcopus non valens propter aliquod impedimentum Ordines conferre Clericis suis, illos dimittit ad illos dimittit ad alium Episcopum Ordinandos, quas Concil. Trident. cap. 10. sess. 7. de Reform. vocat reverendas, quo nomine utuntur Hispani, teste Barbos. de offic. & potest. Episcop. alleg. 7. num. 3. & de his agitur in diff. 72. & 73. per tot.

3. Ille verò (quarum duæ sunt species) vel Clericis peregrinantibus conceduntur (ut hic) sine quibus in aliena Diœcesi non sunt admittendi ad peragenda Sacra, cap. Extraneo, & cap. Hortamus 71. diff. Vel dantur in testimonium, & commendationem morum Subditi, qui vigore Brevis Apostolici, aut Beneficii, postulat alio ad Ordines promoveri, & hæc quæ etiam vocantur testimoniales sunt dandæ

ab eo, cui est melius edoctus de moribus, & vita Ordinandi: hodiè verò in hoc servanda erit Constitutio Innoc. XII. quæ incipit Speculatores.

4. OPTIMIS MORIBUS IMBUTUM, CHRISTIANIS QUE VIRTUTIBUS PRÆEDITUM. Elogium istud tunc in litteris commendatitiis erit faciendum, quando mores illius, cui conceduntur, Episcopo noti sint: aliæ quando mores statui Clericali non correspondent, vel de vita integritate fama dubia est, siccō vestigio pertranseat. Quia si humana urgente ratione abeuntibus, sive absentibus cum laude de moribus agat: hujusmodi postea testimonio utuntur in Urbe, vel contra ipsummet Episcopum, si Dimissorias pro Ordinibus concedere nollet: vel in Dataria Apostolica pro obtinendis Beneficiis, ad exclusionem digniorum.

Sitque igitur regula, quod si Episcopus coram Deo de morum probitate testari vereatur, dicat in litteris Commendatitiis—N. fuisse bonis moribus, & Christiane educatum, & à Diœcesi discedere, vel discessisse, absque ulla Censura, aliove canonico impedimento: Nè postea Episcopo, qui Commendatitias litteras cum laude concessit, inferatur nota mutabilitatis, aut livoris, si Ordines, vel Dimissorias deneget.

Litterarum Commendatitarum pro Canonico.

F O R M U L A VII.

S U M M A R I U M .

- 1 Absens ex juxta causa lucratur Distributiones.
- 2 Causa litis quando suffragetur ad lucrandas distributiones.
- 3 Canonicus, qui factio Capituli cogitur abesse, lucratur distributiones.
- 4 Licentia se absentandi à residentia concurrente juxta causa non potest ab Episcopo denegari.

Cle-